

正法華經卷第一

在一

西晉三藏

竺法護譯

陳大升

正法華經光瑞品第一

聞如是一時佛遊於王舍城靈鷲山與大比丘衆俱比丘千二百一切無着諸漏已盡無復欲塵已得自在逮保已利生死已索衆結即斷一切由已獲度無極已脫於慧心解得度名曰賢者知本際賢者大迦葉賢者上時迦葉賢者象迦葉賢者江迦葉賢者舍利弗賢者大目犍連賢者迦拏延賢者阿那律賢者劫賓毘賢者牛呵賢者離越賢者辟利斯賢者薄拘盧賢者拘締賢者難陀賢者善意賢者滿願子賢者須菩提賢者阿難賢者羅云菩薩八万皆不退轉堅住無上正真之道逮惣持法得大辯才常讚歎不退轉法輪供養無數百千諸佛於無量佛植衆德本諸佛卅尊所見咨嗟身常行慈入如來慧善權普至大智度無極從無數劫多所博聞名達十

方救護無量百千衆生遊於三界猶如日明解一切法如幻如化野馬影響悉無所有住無所住雖現終始亦無去來既現色像本無形貌現諸所生未無起滅導利群黎不着三處分別空慧無想無願超三脫門至三達智無去來今現在之想開化黎庶使了本無其

名曰溥首菩薩光卅音菩薩大勢至菩薩常精進菩薩不置遠菩薩寶掌菩薩寶印手菩薩藥王菩薩妙勇菩薩寶月菩薩寶光菩薩月滿菩薩大度菩薩超無量菩薩越卅菩薩解縛菩薩寶事菩薩恩施菩薩雄施菩薩水天菩薩帝天菩薩大導師菩薩妙意菩薩慈氏菩薩如是大士八万上首

尔時天帝釋與二万天子俱日天子與無數眷屬俱月天子以寶光明普有所照寶光天子光耀天子俱四大天王與万天子俱熒明大梵自在天子與三万天子梵忍跡天子與三万二千天子飾乾大梵與無數天子又梵

名燦光與無數大衆俱來詣佛所誓首畢退
 坐一面有八龍王與無鞅數百千諸龍眷屬
 俱四真陀羅王順法真陀羅王大法真陀羅
 王仁和真陀羅王持法真陀羅王香音神各
 與營從來詣佛所誓首畢退住一面淨身四
 天子柔溥法七一天子和音天子美溥天子悅響天
 子俱來詣佛所誓首畢退坐一面四阿須倫
 王最勝阿須倫欲錦阿須倫燕居阿須倫吸
 氣阿須倫與無鞅數百千阿須倫人民俱來
 詣佛所前誓首畢退坐一面四金翅鳥王大
 身王大具足王得神足王不可動王俱來詣
 佛所誓首畢退住一面摩竭國王阿闍世與
 百子并諸營從俱來詣佛所誓首畢退坐一
 面諸天龍神世人莫不歸命奉敬侍立
 尔時世尊與四部衆眷屬圍遶而爲說經講
 演菩薩方等大頌一切諸佛嚴淨之業說斯
 經已昇于自然師子之牀跏趺而坐三昧正
 受定意名曰立無量頌尋應所宜不見身貌

不得心意所坐立處則有瑞應天雨意華大
 意華柔軟意華大軟意華散世尊上及於大
 會四部之衆普佛國土六反震動時大衆會
 比丘比丘尼清信士清信女天龍鬼神捷脊
 和阿須倫迦留羅真陀羅摩休勒人與非人
 國王軍主大力轉輪聖王各與營從咸悉一
 心瞻戴世尊意皆愕然惟未曾有於時佛放
 面口結光明普照東方万八千佛土其大光
 明照諸佛國靡不周遍至於無擇大地獄中
 上徹三十三天彼此世界六趣周旋所有烝
 民一切皆現其界諸佛現在所由此土衆會
 悉遙見之彼土覩斯亦復如是十方諸佛所
 說經法普遍聞焉諸比丘比丘尼清信士清
 信女修行獨處者速得德果一切表露又諸
 菩薩意寂解脫其出家者求報應行皆亦悉
 現諸佛世界滅度衆聖所建寶廟自然爲現
 於是弥勒菩薩心自念言今者世尊如來至
 真等正覺三昧正受現大感變多所降伏覩

未曾有天上世間諸佛廟寺恢闊彰顯將何所興而此瑞應從昔暨今未嘗見也欲問其歸孰能發遣解斯誼乎尋改思曰今者大士溥首僅真所作已辦靡所不達供養過去無數諸佛曾當瞻觀如來至真等正覺如此瑞應欲請問之時四部眾比丘比丘尼清信士

清信女諸天龍神健脊和阿須倫迦留羅真陀羅摩休勒志懷猶預得未曾有見斯大聖無極威耀神足變化各各發意欲問世尊決散疑網慈氏大士見眾會心便問溥首曰仁者唯說今何因緣有此瑞應大聖神足放大光明照于東方方八千土諸佛世界自然為

現所說經法皆遙聞之於是慈氏以頌而問溥首曰
文殊師利 今何以故 導利眾庶 放演光明
其大威耀 出于面門 神變遍照 十方燿然
天雨眾華 紛紛如降 意華大意 柔軟音華
種種若干 其色殊妙 栴檀馨香 悅可眾心

嚴淨巍巍 皆悉周遍 今日四輩 欣然踊躍
於此佛土 十方世界 六反震動 莫不傾搖
于彼光明 則照東方 方八千土 其輝普徹
諸佛境土 紫磨金色 煌煌灼灼 燄無不接
國邑群萌 莫不蒙賴 達盡上界 入無擇獄
眾庶受生 用無明故 滅沒墮落 歸此諸趣

期等黎民 覩見因緣 若干之趣 今現嚴淨
賢明不肖 中間品類 吾於此住 皆遙見之
又覩諸佛 而師子吼 演說經典 開闡法門
消除眾生 無數之穢 歌頌聖教 出柔軟音
其響深妙 令人欣踊 各各自捨 境界所有
講說譬喻 億載報應 分別敷演 於此佛法
正法華經

一切眾生 所遭苦患 以無巧便 治老病死
猶斯等類 說寂滅度 比丘當知 貧劇困惱
眾人則處 安雅快樂 積累功德 乃見聖尊
又得還至 緣一覺乘 一切令人 於斯道業
見佛殊異 諸所經藉 或有志求 無上之慧
一切世間 見若干形 斯等眾類 歌詠佛德

仁者溥首彼所言說我立住此今悉見聞
 及餘無數諸億千衆在此遊居吾悉覩
 又見佛土不可計數諸菩薩等如江河沙
 億百千數而不減少建志精進興發道意
 或有放捨諸所財業而行布施金銀珍寶
 明月真珠車渠馬瑙奴婢車乘牀卧几榻
 諸所琦異環珮瓔珞於是具足皆用惠賜
 悉以勸助上尊佛道今我等類聞斯音聲
 安住所歎正覺大乘遊於三界而無所倚
 其人速逮得獲斯願或以諸乘則而施與
 諸華妓樂欄楯莊嚴簫瑟鼓吹音節所娛
 四事如應惠與奉授以此布施心不憍惜
 妻妾子孫所重輩舉或慮非常手足與人
 志不矜愛皆用惠施欲以慕求此尊佛道
 復有捨身給諸所有頭目肢體無所遺愛
 所以布施用成佛道志願逮獲如來聖慧
 溥首僮真吾瞻國王與眷屬俱而出遊立
 中宮后妃采女貴人族姓娛樂俱禮佛身

在

正法華經

五

文

衆庶朋黨悉詣導師而於法王啓問經典
 則除俗服下其鬚髮而被袈裟以為法式
 我觀若干諸菩薩衆比丘知友頓止山巖
 獨處閑居解暢空無或有受經而諷誦讀
 吾復瞻見開士之黨英雄疇疇出入山谷
 專精思惟歷察衆相分別講說演諸佛乘
 捐捨愛欲求使無餘常自慕修恹仰正行
 安住諸子不離閑居別使逮得成五神通
 高妙之士志平等句向諸導師恭敬叉手
 心懷踊躍歌詠佛德以數千偈數人中王
 覩無所畏志勇調和曉了分別出家之業
 諮稟經典於兩足尊所問頻數尋即執翫
 安住衆子先自修已我又適見諸佛孫息
 為無數億人民講法所現報應兆載難計
 志懷忻喜自歸正法勸助開化無數菩薩
 降伏衆魔秉執官屬而雷擊扣於斯法鼓
 善逝典誥我又攬歷諸天人神所共宗奉
 安住諸子不以奇雅益用寂然履行定意

無所倚着 猶如師子 開化度眾 令發道意
眾生在居 手執所供 心懷悅豫 僉然俱詣
又諸佛子 立于精進 棄捐欲塵 常得自在
建志經行 遊諸樹間 心願勤修 根求佛道
而護身口 常行清淨 禁戒安穩 不畏生死
於彼秉志 具足諸行 以斯禁戒 寤諸不覺

最勝諸子 據忍辱力 為諸貢高 卑下謙順
輕毀罵詈 若過捶者 其求佛道 默然不校
吾或復觀 菩薩之眾 一切棄離 調戲妓樂
與諸力勢 親友等俱 其心堅固 平如虛空
蠲除諸穢 憤亂之意 建立一心 消滅陰蓋
禪思思惟 億百千歲 布施立意 求尊佛道

或自割損 多所惠潤 刈除貪嫉 閑不懷慳
飲食供具 所當得者 及無數人 諸病醫藥
又復施與 衣被服飾 檀已濟裸 無所藏積
與營從俱 面見最勝 在上化立 億百千供
所造珍寶 及栴檀香 多有床座 明珠諸藏
現在目前 奉上安住 其寶之價 直億百千

所觀園觀 樹葉華實 具足鮮淨 悅可人意
夙夜修行 兼加進獻 上人正士 諸聲聞等
所可慧益 品例如斯 雜種若干 歡喜濟乏
深自欣慶 而建道行 以此所施 願求尊覺
或有得入 寂然法誼 察諸報應 眾億兆載
發起民庶 使其悔過 令捨億寶 志願佛道

曉了觀察 不秘怯法 滅除三事 寂等如空
安住之子 悉無所着 斯等智慧 求尊佛道
敷柔軟音 吾復覩見 諸滅度佛 安住開化
諸所現在 大菩薩眾 咸共奉敬 最勝舍利
吾觀佛廟 億千之數 凡難限計 如江河沙
在千億土 常見遵戴 諸所化現 最勝由已

七寶自然 清淨而現 具足里數 二十五萬
諸蓋幢幡 各有千數 廣長周匝 各二千里
其蓋妙好 殊異嚴淨 所在眾香 珍寶自然
諸華芬馥 伎樂和雅 鬼神羅刹 肅恭人尊
安住諸子 所與感動 以用供養 舍利若斯
今此佛廟 煜鑠繁麗 普布香華 如盡度樹

於斯人衆	無數億千	悉遙觀見	偉羣班爛
衣毛爲豎	眷屬馳造	欲見最勝	顯發光明
人中之上	演大光耀	妙哉明哲	離垢無漏
乃能闡現	如斯弘輝	示現佛土	無鞅數千
見此瑞應	得未曾有	如是儔類	諸大變化
唯願溥首	具說所義	吾今欽羨	及諸佛子
於四部衆	心懷悅豫	渴仰仁者	兼見瞻察
今日安住	何所因由	奮大光明	而從口出
解散狐疑	勸發欣踊	何故佛見	無極大光
如斯所變	當有所感	安住之子	願用時說
大聖所成	此微妙法	在于道場	正士敷演
世雄導師	所由方面	願爲分別	此諸菩薩
欲見佛土	無鞅數千	群生倫品	衆寶嚴淨
諸佛自現	無量明目	凡新學者	得無猶豫
諸最勝子	普共啓問	悅諸人民	天神羅刹
四部之衆	一切戴仰	今者溥首	惟具分別
於是溥首告慈氏諸大士衆會者族姓子女			
吾心惟忖今者如來當敷大法演無極典散			

大法兩擊大法鼓吹大法蚤講無量法又自追憶乃從過去諸佛世尊見斯像瑞彼諸如來所放光明亦復若茲猶斯識察知識大法如來至真等正覺欲令衆生聽無極典故現斯應所以者何世尊欲令群生洗除俗穢聞服佛法現弘大變光明神化又念往古無鞅數劫不可思議無能度量時有如來号日月燈明至真等正覺明行成爲善逝世間解無上士道法御天人師爲佛世尊演說經典初語亦善中語亦善竟語亦善分別其義微妙具足究竟清淨而修梵行爲聲聞乘講陳聖諦則令衆庶度生老死憂惱衆患入近無爲爲諸菩薩大士之衆顯暢部分六度無極無上正真道又族姓子其日月燈明如來滅度之後復次有佛亦号日月燈明滅度之後復次復有佛亦号日月燈明如是等倫八十如來皆同一号日月燈明曾緒一姓若斯之比二万如來佛語莫能勝彼二万如來最前興者

号日月燈明最後起者故復名曰日月燈明
如來至真等正覺其佛說經初語中語竟語
皆善分別其義微妙具足淨修梵行為諸聲
聞講說四諦十二因緣生老病死愁感諸患
皆令滅度究竟無為為諸菩薩講六度無極
使逮無上正真道至諸通慧其日月燈明如
在正法

來未出家時有八子一名有志二名善意三
曰加勸四曰寶志五曰持意六曰喻慢意七
曰響意八曰法意是八太子則如來子神足
弘普時一一子各各典主四域天下其土豐
植治以正法無所侵枉而見世尊棄國修道
逮最正覺適聞得佛尋皆離俗不顧重位詣
世尊所悉為沙門皆志無上正真之道盡為
法師常修梵行於無鞅數百千諸佛植眾德
本又曰阿逸時日月燈明勸發菩薩護諸佛
法而為眾會講演大頌方等正經時彼世尊
於坐寂然以無量頌三昧正受即不復現無
身無意觀不可得心無所立世尊適三昧已

天雨意華大意華柔軟音華大軟音華而散
佛上及於大會四部之眾應時其地六反震
動國中人民各取天華復散佛上四部弟子
諸天世人愕然疑恠其佛三昧未久威神德
本面出一光其光普照東方方八千佛土靡
不周遍諸佛國土所可造行悉自然現亦如

今日諸佛土現彼時世尊與二十億諸菩薩
俱於眾會中讚說經法諸菩薩大士觀大光
明普照世間而其佛世有菩薩名曰超光侍
者十八人有一菩薩而獨勞懈名曰名聞佛
三昧正受從三昧起為超光菩薩講正法華
方等之業諸菩薩行皆護佛法一處安坐具
在正法

足六十劫說斯經典眾會亦然身不傾動心
無因緣又彼世尊六十中劫因為諸會說法
聽者一無疲厭心不勞擾日月燈明六十劫
中為諸菩薩演正法華方等經典便自說言
當般泥洹告天世人諸梵魔眾沙門梵志阿
須倫鬼神龍諸比丘等察於某時如來夜半

至無餘界當般泥洹授其菩薩首藏之決告諸比丘吾滅度後首藏開士當逮無上正真道成最正覺号離垢體如來至真等正覺佛授決已尋於夜半而取滅度彼世尊子等類八人皆歸超光菩薩大士而順教勅咸悉無上正真之道見無鞅數億載諸佛供養奉侍悉逮正覺最後興者号曰法事十八人中有

一菩薩於利無節慙慙求供尊已貪穢多於三病分別句義中而忽忘便得於閑不復懷務時族姓子得名聞定以斯德本從不可言億百千佛求願得見悉奉眾聖溥首謂莫能勝欲知尔時比丘法師号超光者則吾身是也其名聞菩薩大士而懈怠者則莫能勝是是故當知見此世尊所現瑞應放其光明吾觀察之今日大聖當為我等講正法華方等典籍於是溥首菩薩欲重見義說此頌曰

吾自憶念 往古過世 不可思議 無鞅數劫 最勝造義 智慧無上 其号名曰 日月燈明

彼講說法	聖達無極	開化衆生	不可計億
勸助發起	無數菩薩	不可思議	億百千人
於時如來	尊者諸子	皆為幼僮	見佛導師
則從所尊	悉作沙門	棄捐愛欲	一切所有
導利世者	為講說法	所演經典	名無量頌
而号最上	厥義如此	開化黎庶	億千之數
大聖適說	斯經典已	能仁至尊	處于法床
跏趺而坐	尋有瑞應	三昧正受	名無量頌
於時即兩	大意音華	又現電煥	大雷音聲
諸天鬼神	住於虛空	一心奉敬	人中之尊
尋則感動	諸佛國土	從其眉間	顯出妙煥
放斯光明	無量難限	不可計人	恠未曾有
其明遍照	東方佛土	周方八千	億數世界
常以應時	多所分別	示于衆生	終始根原
或有佛土	立諸寶蓋	光如瑠璃	及若水精
以導師光	威神之耀	現若干種	瓊異雅麗
諸天人民	并鬼神龍	健脊和等	驚喜希有
其有專精	奉事安住	彼諸世界	皆自然現

又覩諸佛 各各自由 端政姝好 紫磨金色
如瑠璃中 而有衆寶 在於會中 爲兩法教
其諸聲聞 不可勝計 嗟歎無量 安住弟子
一切導師 一一世界 又光明耀 皆悉巍巍
常行精進 戒無所犯 忍辱之力 猶明月珠
世尊諸子 現無缺數 遊於閑居 山林曠野

一切禪定 不起因緣 若有加害 不興瞋恨
諸菩薩衆 如恒河沙 安住光明 感動若斯
心念無常 不爲放逸 忍辱樂禪 不捨一心
有安住子 普悉來現 自伏其志 慕尊佛道
立審諦住 其心寂然 各以緣便 多所開化
無數佛界 廣說經法 世尊所爲 感應如此

又覩大聖 猶如舡師 所出光明 蔽日月輝
一切衆生 所立歡喜 各各問言 此何感變
天人所奉 從三昧起 未久之頃 導師便坐
其菩薩者 名曰超光 而作法師 佛爲解說
世間之明 蠲除諸趣 唯安悅我 示諸種大
爲我分別 於斯經法 吾愍衆生 以是教化

建立勸助 諸菩薩衆 聞佛教詔 欣然嗟歎
於時世尊 說大經典 所演具足 六十中劫
於一牀上 結跏趺坐 導師化世 說殊特教
彼諸佛等 皆以滅度 其法師者 超光仁人
最勝所演 講說經典 無缺數人 皆悉歡喜
唯願大聖 分別解之 在諸天上 及與世間

講說經典 自然之義 顯示衆庶 此正法華
告諸比丘 吾以時到 當於夜半 而取滅度
修無放逸 堅固其心 吾以解說 諸經法教
大聖神通 難得值遇 於無缺數 億那術劫
常當供養 無量佛子 憂惱諸患 甚亦苦劇
時聞世尊 所現章句 觀於無爲 採習言教

值觀人尊 所見安慰 會無數人 不可思億
比丘莫懼 吾當泥曰 我去然後 已不復現
第二菩薩 号曰首嚴 無有諸漏 無所不入
當究竟逮 尊上佛道 所号名曰 離垢之體
即尋於此 夜半之時 便取滅度 盡執光耀
其佛舍利 而廣分布 即起塔廟 無量億載

諸比丘等 及比丘尼 志悉慕求 上尊佛道
 不可稱限 如江河沙 常修精進 遵安住教
 尔時比丘 為法師者 超光大人 執持經典
 一坐之頃 演說尊法 則具足滿 八十中劫
 彼時侍從 有十八人 教化度之 皆蒙安隱
 此等值見 無數億佛 至心供養 諸大聖尊

常遵奉行 柔順之法 於諸世界 皆各成佛
 尊得自在 受持無量 各各授決 使逮正覺
 於時諸佛 皆悉究竟 錠光世尊 最後得佛
 大仙日月 開發聖眾 導師所化 巨億百千
 安住所興 諸大威化 法師超光 則吾身是
 尔時侍從 志懈怠者 求索利養 親屬交友

志所願求 但慕名聞 周旋行來 誚諸族姓
 捨置所學 不諷誦讀 彼時不肯 分別而說
 以故其人 唐載此名 於佛法教 欲使稱譽
 其人猶此 所造得本 在往世時 而有瑕庇
 值見諸佛 億千之數 種累功德 廣普大聖
 專修正行 得最順忍 又覩世尊 於斯能行

正法一

十二

公

然於將來 最後世時 當得無上 尊佛正道
 成至世尊 号曰慈氏 教化眾生 無數億千
 逮得勇猛 所在自由 安住滅度 仁順其教
 於後世時 比像如是 我身尔時 則為法師
 以是之故 行哀如此 過世覩見 如是之類
 安住之仁 變動若茲 本第一察 如斯瑞應

彼時世尊 無量明目 諸釋中王 現第一誼
 今者欲說 正法華典 吾過世時 所聞道業
 今日變化 而得具足 諸導師尊 行權方便
 大釋師子 建立興發 講說經法 自然之教
 諸懷道意 悉义手歸 導利世者 今當分別
 當兩法雨 柔軟法教 普潤飽滿 履道意者

其有諸天 入於無為 志懷狐疑 而有猶豫
 若有菩薩 求斯道意 今當蠲除 吾我之想
 正法華經善權品第二
 於是世尊從三昧興告賢者舍利弗佛道甚
 深如來至真等正覺所入之慧難曉難了不
 可及知雖聲聞緣覺從本億載所事歸命無

執數劫造立德本奉遵佛法慙勤勞苦精進
修行尚不能了道品之化又舍利弗如來觀
察人所緣起善權方便隨宜順導荷靡現慧
各為分別而散法議用度群生以大智慧力
無所畏一心脫門三昧正受不可限量所說
經典不可及遠而如來尊較略說耳大聖所
在正法十二公

說得未曾有巍巍難量如來皆了諸法所由
從何所來諸法自然分別法貌衆相根本知
法自然於時世尊欲重解議更說頌曰

世雄不可量 諸天世間人 一切衆生類
焉能知導師 離垢解脫門 寂然無所畏
如諸佛法貌 莫有逮及者 本從億諸佛

依因而造行 入于深妙義 所現不可及
於無執數劫 而學佛道業 果應至道場
猶如行慈愍 使我獲此慧 如十方諸佛
諸相普具足 衆好亦如是 其身不可見
亦無有言說 察諸群黎類 世間無與等
若說經法時 有能分別解 其唯有菩薩

常履懷信樂

假使諸佛 弟子之衆 所作以辨 如安住教
盡除疾病 執御其心 不能達彼 若干種慧
設今於此 佛之境界 皆以七寶 充滿其中
以獻安住 神明至尊 欲解此慧 終無能了
正使十方 諸佛刹土 諸明哲者 悉滿其中

及吾現在 諸聲聞衆 一切具足 亦復如是
一時昔會 共思惟之 計安住慧 無能及知
佛之智慧 無量若斯 欲知其限 莫能逮者
諸緣一覺 無有衆漏 諸根通達 悉攝其心
假使十方 悉滿中人 譬如甘蔗 若竹蘆葦
悉俱合會 而共思惟 欲察知佛 所說解法
於億那術 劫載計念 未常能知 及法利義
新學發意 諸菩薩等 假使供養 無數億佛
講說經法 分別其義 復令是等 周滿十方
其數譬如 稻麻叢林 在諸世界 滋茂不損
悉俱合會 而共思惟 世尊所明 觀諸法本
不可思議 無數億劫 如江河沙 不可限量

心無變異 超越智慧 欲得知者 非其境界
 無數菩薩 皆不退轉 無崖底劫 如恒邊沙
 一心專精 悉共思惟 此等之類 亦不堪任
 諸佛聖明 不可逮及 一切漏盡 非心所念
 獨佛世尊 能解了知 分別十方 諸佛世界
 告舍利弗 安住所說 唯佛具足 解達知彼
在正法之十四公
 最勝導利 悉暢了識 說無上義 已來久遠
 佛今日告 諸聲聞眾 緣覺之乘 如所立處
 捨置已逝 入泥曰者 所可開化 各各得度
 佛有尊法 善權方便 猶以講說 法化世間
 常而獨步 多所度脫 以斯示現 真諦經法
 尔時大衆會中一切聲聞阿羅漢等諸漏已
 盡知本際黨千二百眾及弟子學比丘比丘
 尼清信士清信女諸聲聞乘各各心念世尊
 何故慇懃咨嗟善權方便宣暢如來深妙經
 業致最正覺慧不可及聲聞緣覺莫能知者
 如今世尊乃演斯教於是佛法無逮泥洹雖
 說此經吾等不解義之所趣賢者舍利弗見

四部衆心懷猶豫欲為發問決其疑網冀并
 蒙恩前白佛言唯然世尊今日如來何故獨
 宣善權方便以深妙法逮最正覺道德巍巍
 不可稱限時舍利弗以偈頌曰
 樂慧聖大尊 久宣如是教 力脫門禪定
 而奉無鞅數 讚揚佛道場 無敢發問者
 獨咨嗟真法 無能啓微意 顯示大聖法
 自歎譽其行 智慧不可限 欲分別深法
 今鄙等懷疑 說道諸漏盡 其求無為者
 皆聞佛所說 其求緣覺乘 比丘比丘尼
 諸天龍鬼神 捷沓摩休勒 及諸餘等類
 心各懷猶豫 請問兩足尊 大德願解說
在正法之十五公
 一切諸聲聞 安住所教化 大聖見歎譽
 我獨度無極 鄙意在沉吟 不能自決了
 究竟至泥洹 今復聞此說 惟願演分別
 雷震音現說 如今所發教 猶若師子吼
 最勝諸子等 歸命皆叉手 欲聞正是時
 願為分別說

諸天龍象 鬼神真陀 無數百千 如江河沙
而悉僉曰 供養世尊 咸欲發問 於尊佛道
國主帝王 轉輪聖王 悉共同心 億百千衆
一切恭敬 叉手而立 德何因盛 衆行具足
尔時世尊告賢者舍利弗且止且止用問此
義所以者何諸天世人聞斯說者悉當恐怖

時舍利弗復重啓曰惟願大聖如是義者加
哀說之所以者何於此衆會有無鞅數億百
千載致行喘息蚰飛蠕動群生之類曾見過
去佛知植衆德本聞佛所說悉當信樂受持
奉行時舍利弗以偈頌曰
願人中王 哀恣意說 此出家者 衆庶億千

恭肅安住 欽信慧義 斯之等類 必當欣樂
於時世尊難舍利弗如是至三告曰勿重諸
天世人悉懷慢恣比丘比丘尼墜大艱難世
尊以偈告舍利弗
且止且止 用此為問 斯慧微妙 衆所不了
假使吾說 易得之義 愚癡闇塞 至懷慢恣

賢者舍利弗復白佛言唯願大聖以時哀說
無鞅數衆昔過世時曾受佛教以故今者思
聞聖音聞者則信多所安隱莫不疑慢時舍
利弗以偈頌曰

我佛長子 今欲啓勸 願兩足尊 哀為解說
今有衆生 無數億千 悉當信樂 聖尊所說

會致本德 決諸疑網 往古長夜 曾被訓誨

是等义手 肅恭側立 必當欽樂 於斯法義

我之等類 千二百人 及餘衆黨 求尊佛道

假令見聞 安住言教 尋當歡喜 興發大意

於時世尊見舍利弗三反勸助而告之曰尔

今慇勤所啓至三安得不說諦聽諦聽善思

在

正法

十六

公

念之吾當解說世尊適發是言比丘比丘尼
清信士清信女五千人至懷甚憊即從座起
誓首佛足捨衆而退所以者何憊無巧便未
得想得未成謂成收屏蓋蔽衣服卧具摩何
而去世尊默然亦不制止又舍利弗衆會僻
易有竊去者離廣大義聲味所拘又舍利弗

斯甚慢者退亦佳耳如來云何說此法乎譬
靈瑞華時時可見佛歎斯法久久希有尔等
當信如來誠諦所說深經義甚微妙言輒無
虛若干音聲現諸章句各各殊別人所不念
本所未思如來悉知所以者何正覺興世嗟
歎一事爲大示現皆出一原以用衆生望想
果應勸助此類出現于世黎元望想希求佛
慧出現于世蒸庶望想如來寶決出現于世
以如來慧覺群生想出現于世示寤民庶八
正由路使除望想出現于世以故當知正覺
所興悉爲一義以無極慧而造大業猶一空
慧以無蓋哀興出于世如佛所行所化利義
亦復如是而爲說法教諸菩薩現真諦慧以
佛聖明而分別之轉使增進唯大覺乘無有
二乘況三乘乎十方世界諸佛世尊去來現
在亦復如是以權方便若干種教各各異音
開化一切而爲說法皆與大乘佛正覺乘諸
通慧乘又舍利弗斯衆生等悉更供養諸過

在

正法一

十七

必方

去佛亦曾聞法隨其本行獲示現義吾見群
生本行不同佛觀其心所樂若干善權方便
造立報應而講法義皆爲平等正覺大乘至
諸通慧道德一定無有二也十方世界等無
差特安得三乘又舍利弗設如來說衆生瑕
穢一切不竟今吾興出於五濁世一曰塵勞
二曰凶暴三曰墮邪見四曰壽命短五曰劫
穢濁爲此之黨本德淺薄慳貪多垢故以善
權現三乘教勸化聲聞及緣覺者若說佛乘
終不聽受不入不解無謂如來法有聲聞及
緣覺道深遠諸難若比丘比丘尼已得羅漢
自以達足而不肯受無上正真道教定爲誹
謗於佛乘矣雖有是意佛平等訓然後至於
般泥洹時諸甚慢者乃知之耳所以者何又
諸比丘爲羅漢者無所志求諸漏已盡聞斯
經典而不信樂若滅度時如來面現諸聲聞
前大聖滅度不以斯行令受持說方等頌經
尋於異佛至真等正覺決其狐疑然後於彼

乃當篤信如來言誠正有一乘無有二也世尊頌曰

比丘比丘尼 心懷甚慢恣 諸清信士女 奉戒有缺漏

五千人不信 不自見瑕穢 而起愚騃意 反行求雜糅

多獲傾危事 而起愚騃意 諸佛最勝禪 緣此得聞法

悉無巧方便 供養清淨慧 衆會儼然住 一切受恩教

違志立見要 舍利弗聽此 佛為人中上 爲說若干教

諦覺了諸法 善權方便 億百千姪 隨人心行 而爲說法

罪福之事 若干不同 從其宿世 各得報應 此諸衆生

心各各異 所造衆多 纏綿結縛 因緣諸見 億百千姪 一切品類 瑕穢如是

注

止禮一

十八

六方

如佛道教 興顯于世 吾始未曾 爲若等現

何故愚冥 覩於導師 見自愚獸 乃爲分別

以故得說 佛所決了 於我法教 諸新學者

今乃得聞 演于平等 佛以聖慧 行權方便

所可分別 爲衆生故 欲開化之 故示此義

欲知佛道 常調清淨 仁樂聖典 實爲要妙

在諸佛所 所作已辦 故爲斯類 說方等經

志性和順 行能具足 是等勇猛 親近聖教

則爲彼說 德最弘衍 於當來世 慈愍哀傷

一切聞之 欣然咨嗟 我等成佛 亦當如是

緣是行故 世世端政 而當翫習 是方等經 其有逮聞 無極聖教 斯等乃爲 佛之弟子 假使得聽 佛一偈者 皆成正覺 終無有疑 佛道有一 未曾有二 何況於世 而當有三 除人中上 行權方便 以用乘故 開化說法 欲得講說 佛之深慧 善權方便 導師光明 唯一乘 豈寧有二 下劣乘者 當求殊特 諸佛所覺 常皆如應 至尊所在 莫敢能當

其力一心 若順脫門 皆立衆生 於此道教
 諸佛最勝 無有瑕玼 尊無等倫 現平等覺
 如是示以 衆生善法 世尊因而 勸立是乘
 所在安和 誘進瞽首 諸境界名 於此當行
 斷除一切 諸凶暴法 是故号佛 則大勇猛
 今已造立 若干種相 眷屬圍繞 演出法光
正法一十九步
 無數衆生 億百千姪 爲講說法 自然之印
 告舍利弗 我見如是 今當那此 群生類何
 三十二相 顏容殊妙 猶得自在 無所拘礙
 而吾所觀 若所思念 如往古時 有可志願
 皆具足成 深微妙事 分別講說 等至佛住
 語舍利弗 佛言至誠 以何等事 寤覺衆生
 假使爲說 不能解了 不肯啓受 善言至誠
 即時心念 如是之義 前往古世 行不可議
 今日乃還 得本所願 以斷愛欲 除大陰雨
 衆庶坐欲 墜于西趣 安住穢厭 衆諸瑕垢
 黑冥之法 數數增長 薄德之夫 患苦所惱
 爲諸邪見 之所鞿繫 有此無異 不有不無

具足依倚 六十二見 常住於斯 根着所有
 勢力薄少 而懷恐懼 未曾得聞 佛之音聲
 恒當墮落 不離三處 億百千生 不能解法
 佛子善權 卓然難及 爲說勤苦 斷諸根原
 衆生之類 諸見所惱 佛故導示 使至泥洹
 吾所以故 常解滅度 令一切法 皆至寂然
 又復過去 諸佛之子 當來之世 得成最勝
 今我如是 行權方便 各令休息 說三乘教
 其乘有一 亦不非一 大聖世尊 故復說一
 諸有蒸民 興發沉吟 意慮憤亂 狐疑猶豫
 如來所說 終無有異 慧乘爲一 未曾有二
 其有往古 世雄導師 億百千佛 諸滅度者
 或有過去 無鞅數劫 計其限量 不可稱度
 謂此一切 人中之上 講說經法 無數清淨
 所可作爲 報應譬喻 行權方便 億百千姪
 普爲衆生 示現一乘 是故說道 度未度者
 常爲人說 平等道慧 開化衆度 億百千姪
 又復見異 若干大聖 爲講分別 是大尊法

本性清淨	乃信解之	若在上	世間亦然
其有聞經	若聽省者	彼諸衆生	所獲安隱
常行布施	其戒具足	忍辱無乏	斯行平等
精進一心	修造勇猛	於此經典	遵奉智慧
或有建立	若干種德	斯等皆當	成得佛道
其有滅度	諸所如來	彼時所有	一切衆生
<small>在</small>	<small>正注一</small>	<small>二十</small>	<small>樂方</small>
忍辱調定	得至大安	斯等皆當	成得佛道
假使供養	諸佛舍利	大聖最勝	及滅度者
興立佛廟	衆億百千	黃金白銀	水精瑠璃
若以瑪瑙	造作塔寺	車珠異寶	及明月珠
若以塹泥	立作形像	斯等皆當	成得佛道
假使以石	用作佛廟	或以栴檀	若木蜜香
設使塔寺	立天尊像	材木刻鏤	彩畫衆飾
或有奉戒	口言至誠	若復堅立	最勝廟寺
在於屋室	諷誦經典	處于曠野	深谷中立
為數億人	而師子吼	現有十方	諸佛廟寺
中有舍利	童子對儂	斯等皆當	成得佛道
若為如來	作寶摸像	三十二相	執持殊最

假使復有	誦經說義	斯等皆當	成得佛道
設為安住	興立形像	後致七寶	覺意道路
其光遍照	通徹衆行	斯等皆當	成得佛道
若復以銅	刻鏤璧玉	為大聖尊	立殊勝形
設以經字	載妙素帛	斯等皆當	成得佛道
若繕壞寺	修立形像	功德志性	有百福相
出家學法	書佛經卷	斯等皆當	成得佛道
設使各各	作奇異行	除棄一切	所樂調戲
正士童子	聰達解義	亦不嘲話	言不虛誑
悉亦自致	為大慈哀	一切皆當	速得成佛
即使得度	億千群萌	無數菩薩	神通三昧
<small>在</small>	<small>正注一</small>	<small>二十一</small>	<small>樂方</small>
設為是等	安住舍利	興立塔寺	彩畫形像
塗治莊飾	書經著壁	供上華香	薰散塔像
假令妓樂	歌誦佛德	簫瑟鼓無	節奏哀和
讚美嬉笑	又加肅敬	以若干事	遵修供奉
彈琴箏篴	鏡鉞應絃	箏笛吹笙	敷法妙音
皆已一心	不為衆漏	緣是悉致	寂然悅豫
若以挹灑	淨掃塔寺	用柔軟水	蜜漿飲施

雜香莊塗 理作樂器 歸命安住 供養最勝
 以若干物 供上舍利 如來滅度 少多肅敬
 假使一反 鼓伎拊弄 一切皆當 得成佛道
 設令得見 安住畫像 執持一華 進上靈模
 以恭敬意 篤信無疑 當稍稍見 無數億佛
 其有人衆 义手佛廟 具足一反 繞旋自歸
 禮拜大聖 嗟歎誓首 所行如是 身無垢染
 當漸漸觀 無數億佛 於諸導師 多造利義
 假使有持 舍利供養 口宣音言 南無佛尊
 其亂心者 若說此言 斯等皆當 速尊佛道
 滅度因緣 盡除毒火 此等皆當 速成佛道
 於衆會中 建立信者 尔時安住 當濟此倫
 假使有人 聞此法名 斯等皆當 速成佛道
 若復當來 無數億佛 不可思議 無能限量
 是等上勝 卅雄導師 當為講說 善權慧事
 是等大人 行權方便 當得成就 導世聖雄
 所以開化 億數衆生 禪定智慧 以消諸漏
 得聞是法 未有一人 群萌品類 豈知了覺

諸大聖法 皆本所願 行佛道時 最後究竟
 無量法門 億千妓數 當來最勝 之所講說
 諸如來尊 常宣布法 是則得見 諸佛正教
 諸法本淨 常行自然 此諸義者 佛所開化
 而兩足尊 乃分別道 故暢斯教 一乘之義
 諸法定音 志懷律防 常處于世 演斯讀誦
 每同讀說 善權方便 諸最勝尊 志意弘大
 其有供養 天人所歸 今現在佛 如江河沙
 欲利安隱 一切群黎 斯等正覺 亦說道尊
 所可演說 善權方便 以若干教 開化令入
 皆共咨嗟 是一乘道 寂然之地 無有二上
 欲知衆生 本際之行 從其過去 志性所倚
 料簡精進 而觀本原 諸未脫者 為分別說
 衆導師力 若干因緣 攀喻引譬 而為示現
 探觀群生 種種所樂 若干部音 而開化之
 今我如是 為人中王 興發黎庶 安隱利義
 種種音聲 億百千妓 故為示現 斯佛大道
 吾所說法 若干種變 知諸萌類 心所喜樂

正法一

二十二

旁

若干色像 尋令悅豫 緣其智慧 訓以道力
吾為法王 而遍觀見 諸愚冥者 離智慧德
崩墜生死 坑曠嶮谷 不得解脫 來世艱難
愛欲所繫 馳如流沙 諸塵勞垢 今日自在
大聖威神 覺無所求 諸法未曾 致眾患苦
群萌之類 默在六壑 堅住邪見 不可動轉

在於苦惱 處危嶮徑 吾發大哀 愍此愚癡
安隱求至 處乎道場 具足七日 坐於草蓐
即思惟義 當何所興 尋時則斷 彼世慢恣
觀察尊樹 目未曾瞬 吾又經行 於其樹下
因奇特慧 得未曾有 眾生轉輪 於大無明
於時梵天 則知佛意 帝釋四天 諸護世者

大神妙天 及善天子 無數億千 皆共覺知
一切义手 儼然恭肅 我時自念 當柰之何
假令吾歎 佛之道德 群黎品類 莫肯受化
諸闇冥者 便當謗毀 適毀此已 趣非法地
吾初未曾 說奇妙法 常樂餘事 當何興立
等觀往昔 諸佛所為 彼時聖眾 行權方便

在

正法一

二十三

吾今寧可 以此佛道 分為三乘 而開化之
初成佛時 作是思惟 又有十方 諸佛世尊
其大聖眾 悉各自現 音讚善哉 我等歎豫
快哉能仁 世英導師 斯為正法 執御當然
乃能思惟 善權方便 諸大聖典 亦學救世
吾等為佛 履上跡時 分為三乘 而開化之
下劣不肖 志意羸弱 覩諸佛興 卒不肯信
吾等猶此 興立攝濟 以權方便 而為示現
嗟歎稱美 獲果之證 又復勸助 無數菩薩
尔時佛身 聽諸尊歎 尋則解了 諸大聖音
弘妙之士 心欣悅豫 今大神通 分別名色
於時余等 當遵其行 如諸導師 之所言講
我等比丘 亦持斯法 出生於人 黎庶之間
告舍利弗 吾聽省彼 尋時往詣 波羅柰國
便即合集 諸比丘眾 身子欲知 佛善權法
大聖應時 便轉法輪 興發宣揚 滅度寂然
歎羅漢音 讚譽法聲 於是歌頌 聖眾之德
其間最勝 說彼經典 一切皆來 歸於世尊

僉共叉手 恭肅而住 善權方便 為若干種
 尔時世尊 復更思惟 吾說尊法 今正是時
 我所以故 於世最難 應當講說 斯尊佛道
 志懷愚癡 起於望想 設吾說法 少有信者
 憍慢自大 不肯啓受 如斯法者 菩薩乃聽
 佛時悅豫 秉修勇猛 應時解斷 一切諸結

今日當說 最勝自由 或以勸助 使入佛道
 諸佛之子 得觀觀此 因從獲信 順行法律
 時千二百 諸漏盡者 皆當於此 成為佛道
 亦如往古 諸佛大聖 亦如當來 最勝之法
 吾復如是 蠲棄衆想 然後尔乃 講天尊法
 久久時時 世間有佛 大仙慧士 興發聖道
 無極明目 既現於世 選擇希有 時講斯法
 於億百千 無量劫數 乃得值遇 如此像法
 假使菩薩 獲斯比經 若復逮聞 是尊佛道
 若靈瑞華 時時可見 欲見募值 莫能覩者
 最勝容貌 和悅難遭 天上世間 無上聖賢
 今此大尊 乃謂琦珍 假使有人 而說斯經

右

正法

二十四

法

一反舉聲 歡喜勸者 則為供養 一切佛已
 其去亂心 不懷狐疑 吾為法王 悉普告勅
 吾之法中 一切聲聞 則便勸助 以尊佛道
 卿舍利弗 及諸聲聞 今現在者 且皆默然
 其諸菩薩 意勇智慧 密持斯法 勿得妄宣
 何故說世 而有五事 或有衆生 懷毒求短
 貪欲愚瞶 而好誹謗 如是倫比 不尚至道
 若當來人 而說此法 聽察如來 一乘之教
 設復覩見 諸最勝名 誹謗斯經 便墮地獄
 假使有人 慙愧清淨 發心志願 求尊佛道
 聞大覺乘 無量之德 諸佛聖明 則現目前
 衆猛尊導 講法如是 善權方便 億百千劫
 分別無數 無復想念 其不學者 不能曉了
 由是之故 了正真言 正覺出世 順修明哲
 斷諸狐疑 蠲除猶豫 能志欣勇 成至佛道
 正法華經卷第一

本卷音釋

速逮

二同音代 賓免 下始牛 同諧拘締 俱上音
 及也上正 便反

在

大宋國嘉興府華亭縣修竹鄉四十一保儀鳳里奉

佛弟子承信郎錢 林同妻朱氏 共與家眷等

今遇平江府磧砂延聖寺開雕藏經謹施錢壹仟貫文局刊刻

正法華經二十卷并刊別經

謹伸意者林痛念有生來居塵世受天地生成之賜感父母鞠育之恩莫知報答每切凌兢敬發一心投誠

三寶指夫楮幣刻此梵書先報生成次酬鞠育仍滌罪愆於三世祈求壽考於百年助佛教之流通燈燈相續植福田於綿遠世世蒙庥更冀洪恩以延後裔

昔嘉熙三年八月 日奉佛弟子承信郎錢 林 謹題

幹雕經僧 可 誦 叢 可 開 法 宋 法 澄 法 尊 志 圓 謹 募

都勸緣住山釋

法超

正法華經卷第二

在二

西晉三藏 竺法護譯

正法華經應時品第三

於是賢者舍利弗聞佛說此欣然踊躍即起
叉手白衆祐曰今聞大聖講斯法要心加歡
喜得未曾有所以者何常從佛聞說法化導

乙

手刀

諸菩薩乘見餘開士聽承佛音德至真覺甚
自悼感獨不豫及心用忤暢所示現議所不
紹逮我已永失如來之慧假使往返山林巖
藪曠野樹下閑居獨處若在宴室謹勅自守
一身經行益用愁毒深自惟言法号等入世
尊為我現若干教而志小乘自我等各非如
來也所講演法大聖等心為開士歎思奉遵
者為受第一如來訓典甚至無上正真之道
我等所順而被衣服所建立願不以頻數唯
然世尊鄙當今時用自剋責晝夜寢念雖從
法生不得自在偏蒙聖恩得離惡趣今乃還
聞時舍利弗以頌讚曰

得聞佛乘 一句之義 超出本望 恠未曾有
所當受獲 非心口言 覩大尊雄 益懷喜歡
假使有人 能造行者 聞安住音 以為奇雅
諸塵勞垢 鄙以蠲盡 音聲之信 亦悉永除
我本書日 設經行時 若在樹下 端坐一心
設在林藪 山巖之中 心自思惟 如此行義